


30

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T3204/4932





蘇州府志卷第五十七

人物十一

長洲縣

本朝

○鄭敷教字士敬光宙子湛深經術天啟中吳中倡爲文社敷教與焉崇禎庚午與同社楊廷樞張溥陳子龍夏允彝同舉應天鄉試是時東南文士統會於吳號爲復社敷教生徒之盛亞於廷樞兩人俱爲鄉里所宗時人語曰前有朱張後有鄭楊丁丑舉賢良方正以母老辭晚歲隱居教授著述甚富尤深於易詩宗杜陵書法在蘇米間年七十卒門人私謚貞獻先生同榜舉人陸坦字履常自嘉定徙居郡城有學行與

哈佛大學漢和
圖書館珍藏印

蘇州府志 卷三十一
廷樞敷教及許元溥稱吳門四孝廉明末授南豐知縣不赴
隱支硎鄧尉間年六十餘以窮餓死 通志舊府志元和
和新志合纂

○朱隗字雲子治博士業雅尚文藻天啟中吳中復社聚四方
積學之士隗與張溥張采楊廷樞楊彝顧夢麟等分主五經
馳驅江表為一時尉顧詩宗中晚唐錢謙益稱為徐禎卿唐
寅之流亞晚歲當貢隱居不出所著有咫聞齋彙第陵字望
之亦能詩畫 江南通志
參初學集

○楊補字無補號古農其先江西清江人父潤始徙長洲補少
好讀書家貧工詩畫為人孝謹重然諾崇禎初游京師一時
館閣諸公皆與定交錢謙益尤愛其閑魚食葉如游樹高柳

眠陰半在池二句以為文外獨絕後與高淳邢昉金陵顧夢
麟游刻意為清新古淡之學詩益大就甲申聞變歸隱鄧尉
山南都再建柄國諸人多舊游屢趣之出不應與同里徐汧
最善汧為馬阮所構甚急補乃立起如金陵詣所知楊文驄
責以大義遂得解汧將自沈就補謀死所汧沒後補哭之極

哀鬱鬱數年卒年六十 錢謙益徐枋所
撰誌傳合纂 子炤字明遠髫歲能

詩長為諸生乙酉後棄去奉親以隱更字潛夫專力於詩規
模少陵絕去雕飾晚更出入香山沿波討源遂得其骨前後
詩凡四十九卷炤初問詩法於錢謙益謙益語以別裁偽體
親風雅遂服膺終身性伉爽動必循禮法望之使人自生畏

敬年七十六卒

徐柯何焯所撰誌傳合纂

○史兆斗字辰伯吳江處士鑑之後先世徙居長洲兆斗少嘗受學於劉鳳王禕登為諸生不得意即棄去力學於古尤博通前明典故下至故家遺老流風佚事無不備熟於中暇則為人抵掌稱說移日夜不倦性尤喜蓄書所購率皆秘本或手自繕錄積至數千百卷齋居蕭然惟事校讐或偶有所得輒作小行楷疏注其旁為人剛直見少年浮薄者數叱斥之雖其人內愧面發赤弗顧也以此為士大夫所重亦以此取嫉於人順治乙未年八十餘矣告其友汪琬曰長洲縣志絕不稱志中所難者人物耳吾刪定已久今老矣無所用之當

以授子其後亦竟不果後四年卒貧無子以從子為後既死

所藏書俱散佚不存云

汪琬撰傳

○周茂蘭字子佩忠介公順昌長子順昌被逮茂蘭尾舟徒行

至京口順昌恐其俱死麾之返茂蘭哭絕江滸良久乃甦順

昌喪還茂蘭泣血三年慘動行路崇禎初誅逆奄贈順昌太

常卿給廕謚建祠賜額茂蘭以父讐未報刺指血上疏請誅

奄黨倪文煥又疏請給三代誥命姚希孟閱其疏有鼎湖勸

進語以為非所宜言又憫其十指已枯勸易墨書茂蘭復刺

舌血再書以進帝悉報可且命先後慘死諸臣咸視此例時

文煥猶冀營救緩死茂蘭日訟言於法司之堂又揭逆黨呂

純如頌璫罪於是文煥伏誅純如麗逆案既歸營葬兩世婚
 嫁弟妹好學砥行不就廕敘國變後隱居不出湯斌撫吳式
 廬就見郡舉鄉飲賓堅謝不應晚注參同契有得臨卒時曰
 今日稍間年八十二鄉人私謚端孝先生乾隆元年巡撫顧
 琮題旌弟茂藻字子潔吳縣學生亦有文行茂蘭子靖字救
 寧性孝友能守祖父家法從陸隴其游涵養有得於書無所
 不窺尤精六書之學所著篆隸考異八卷汪琬為序盛稱之

墓誌表傳
縣志合纂

○顧苓字云美太僕卿存仁後少篤學尤潛心篆隸凡金石碑
 版及鼎彝刀尺款識蟲魚蝌蚪之書皆能誦之晚而篆隸益

精臨摹秦漢銅章玉印見者以為不減吾衍文彭居虎邱山
 塘蕭然敝廬中懸思陵御書時肅衣冠再拜歛歔太息女一
 妻桂林畱守瞿式耜子易其名姓俾脫於禍人尤高之所著

有塔影圖彙六卷

元和
新志

○葉襄字聖野少穎敏父教授在外從母張受學銳志經籍為
 名諸生楊廷樞倡復社襄執經稱高弟子甲申後隱居不出
 專工詩律屏鍾譚餘論一以唐人為宗尤工儷語有六朝風
 致同邑黃始字靜御亦工詩善駢體

通志參元
和新志

○彭行先字務敏一字貽令父汝諧萬歷丙辰進士甫釋褐而
 卒行先少補諸生讀書僧寺奮志自立會友人以場屋事被

許陰援行先為左證遂牽連見褫行先走京師上書自雪終未嘗歸獄其友人明季用拔貢考授知縣見國事不支遂絕意仕進隱居教授家貧不能購書數借人書繕錄日課數十紙雅善書法出入晉唐諸家尤習前明典故對客談論娓娓晚歲與鄭敷教金俊明稱吳中三老歲時過從鬚眉皓然相與揚扞古今品題翰墨見者以為神仙中人已而從孫定求孤孫寧求相繼登上第入翰林行先益鍵戶謝賓客巡撫湯斌推重行先舊德每月吉讀法命有司延致輒固辭及斌還朝

上問吳中人物遂舉行先與其兄子瓏以對年九十二卒

在瓏彭貽

令先生

墓誌

○俞粲字受之長洲人幼孤力學年十七補諸生潛心六經尤邃於易晚年隱居山館學者稱芹庵先生所著有論語述說孟子詳說大衍說喪禮報本書論孝詳說先儒言行錄及詩歌序傳五十卷

舊府志

○沈明掄字伯敘長洲人精春秋得安成聞喜之傳與同里徐沂李模鄭敷教友善從游甚眾崇禎癸酉以恩貢中順天副榜乙酉後授徒自給三十餘年卒所著有春秋辨志全旨及

松窗暇錄鼓缶等集

舊府志

○徐枋字昭法號侯齋少詹事沂長子少有才名年二十一舉

崇禎壬午鄉試南都失守汧將殉國枋日夜號泣欲從死汧曰吾不可以不死若長爲農夫以沒世可也乃奉父命拮据營葬遁跡不出初居鄧尉山中後隱靈巖之上沙土舍數椽讀書其中布衣草履終身不入城市家貧常賣畫自給雖藜藿不繼而莫能強以一錢之餽平日往來同志數人外雖至戚罕得見面時以枋與宣城沈壽民嘉興巢鳴盛爲海內三遺民川湖總督蔡毓榮慕其名具書致名藥厚幣託幕下友馮羽道意謝不受遺書馮生畧曰僕年二十四守先人沒世之言長往避世今已五十一矣親知故舊都謝往還絕問遺顧敢與當世之公侯卿相通交際邪且當世之公侯卿相亦

安用此衰悴廢民爲也幸爲我善辭以安我素拜賜多矣睢陽湯斌撫吳尤欽其節嘗屏騶從兩詣山中訪之卒不得見歎息而去所著居易堂集二十卷文辭健拔大抵主於扶世教植綱常無一諛墓應酬之作又有二十一史文彙通鑑記事類聚讀史稗語讀史雜鈔建元同文錄管見等書山水宗董巨間法倪黃當其得意自謂前無古人書善行草俱爲世所重康熙甲戌年七十三卒弟柯字貫時年十五補諸生父汧殉節後遂杜門不出所居二株園四方賓從文酒宴會有貴公子之風善屬文尤長於詩兼工書法晚自號東海一老卒年七十五所著有文選人表示兒編一老菴詩文集

○顧予咸字小阮長洲人順治丁亥進士授寧晉知縣畿南多盜廉其魁數人捕弗誅厚衣食之使爲耳目他盜悉驚散縣地多不耕上官徵賦如故力爭乃免豪家多賄胥匿田以累貧弱乃閉胥室中使盡書所匿又令民得自首實而賦役平居數月縣大治調知山陰時浙東初附山藪多不靖官兵所至殺平民爲功而俘其婦女子咸悉縱遣之請於督撫但罷兵以屬令一月可辦如其言兵罷而民歸兩舉卓異擢刑部主事調吏部遷考功員外郎時當掌計遂移疾歸十八年春世祖大行遺詔至蘇巡撫以下大臨府治有諸生十八人面詰吳縣令不法事巡撫朱國治庇令欲坐諸生重辟而畏予咸

剛直從而請曰令無罪當罪諸生子咸正色曰諸生詰令事皆實何罪當罪令國治忌之遂密告金陵會勘大臣逮予咸繫獄坐以指使論絞獄上奉

旨復官尋入以奏銷案落職居鄉風采峻整爲後進所憚歿後數十年里人立祠祀之

韓茨撰墓表參彭定求雅園顧公祠堂碑

○何棟字與偕長洲人由崇明籍舉順治丁亥進士除邵武府推官攝福州府篆時閩師悉赴泉州經畧廈門會城空虛海寇鄭成功率衆自海道襲福州巡撫宜永貴瘍發於首不能視事因素重棟才盡以城守事委之棟力請釋原任布政使周亮工於獄共扼險禦賊賊攻城十三晝夜棟竭力固守危

城獲全入為戶部主事歷江西提學僉事告歸卒子炯字倬雲煜字章漢並舉進士有名炯累官雲南僉事煜終南陽知

府通志

○韓洽字君望長洲人為郡學生深潛篤學於書無所不窺性

簡亢絕俗晚歲隱居羊山自稱羊山畸人足跡不入城市藜

藿不充晏如也所著有四書因註儀禮因注禮記因注羊山

誌寄庵集尤深於字學所撰篆學測解釋訓考源論者謂足

證說文長箋之誤朱彝尊又稱其詩為明季以來吳中第一

通志參舊府志明詩綜

○徐樹丕字武子少補諸生姚希孟器重之妻以長女屢試不

利益博覽羣籍善楷書兼工八分國變後隱匿不出卒年八

十八所著有中興綱目識小錄杜詩注子晟字禎起博學工

文鼎革時年甫壯即棄諸生從父隱居家貧授徒養親垂四

十年康熙癸亥樹丕歿亦六十六矣哀毀得疾營葬甫畢

而卒所著有陶園詩集十二卷文集十卷姑蘇續名賢小紀

二卷詞一卷家乘識小錄四卷楊无咎傳時有陳三島字鶴客與

晟善晟稱其負逸才而有奇志古詩追風蘇李律體亦在王

孟間年僅三十七咯血死所著有雪圃遺藁徐晟存友札小引

○陳匡國字均寧為人沈靜澹雅不汲汲於名利年未壯值明

亡即棄諸生隱居東郊外婁江上教授自給尤好著書嘗輯

吳逸民傳始仲雍訖金孝章共如干人以自寓其志汪琬爲之序

汪琬吳逸民傳序

○顧天朗字開一少負才名順治丙戌中副榜爲官學教習考授知縣以母老不就選杜門讀書究心經史著三禮集解母病侍湯藥積瘁成疾及母歿甫殮一慟而卒年六十七時謂死孝有司上聞立祠康熙癸未

聖祖南巡子泝奏父孝行

賜御書孝靖二字褒之

張玉書撰墓誌參進

志

○韓勣字誦先父治明萬歷丙午舉人知雲和黃巖二縣有惠政飭性至孝父卒黃巖官舍奔哭千餘里遂咯血終其身事

伯兄馨友愛嘗因役事盡哀所有以聽兄命家遂破無幾微憾外姑老而貧悉籍曩時奩具歸之曰故非壻物也少爲名諸生記聞淹博行文未嘗屬草默而好深沈之思逮其下筆鈎幽剔微悉非他人所到學使者石申最器重之每試輒冠儕偶然卒不遇年僅四十而歿後以子莢貴贈如其官熊賜履誌其墓稱爲篤行君子

汪琬撰墓碑參舊府志

○汪琬字茗文少孤自奮讀書五行俱下舉順治十二年進士觀政通政司假歸銳意爲古文辭以起衰自命尋授戶部主事分司大通橋進員外郎改刑部遷郎中河南民張潮兒以報母讐殺其族兄三春巡按御史論潮死琬爲復讐論引律

文罪止杖爲據以奏銷案降北城兵馬司指揮兵馬司秩卑
職冗左官者多偃蹇不屑意琬剛直不撓理冤誣決疑獄懲
姦豪任滿去民炷香攜酒送者塞道復爲戶部主事權江寧
西新倉以病假歸結廬堯峯山益閉戶著書家居九年以博
學宏詞召試授編修與修明史在史館六十日撰史彙百七
十篇卽杜門稱疾踰年仍告歸歸十年而卒年六十七琬之
爲文根柢六經浸淫史漢取法唐宋元明諸大家立言命意
皆有所本嘗自言吾文從廬陵入非從廬陵出於易書詩春
秋三禮喪服咸有發明其敘事尤有法度一時名公鉅卿誌
銘表傳必以琬爲歸性伉直不能容人過雖賢人文士交遊

遍天下而忌之者亦衆自知不容於流俗故前後閑居二十
餘年泊然自樂也所著鈍翁類彙百十八卷自刪定爲堯峯

文鈔五十卷並行於世

陳廷敬
撰墓誌

○宋德宜字右之明御史學朱子順治乙未進士選庶吉士授
編修遷司業轉侍讀歷祭酒侍讀學士充日講起居注官

經筵講官內閣學士遷戶部侍郎特命仍兼翰林學士調吏部
陞左都御史尋進兵部尚書轉吏部康熙二十三年拜文華
殿大學士加太子太傅二十六年以疾卒於官年六十二德
宜風度端凝學問淵博自爲司業至大學士未嘗少有折挫
爲都御史時上疏請弛海禁俾濱海民藉田漁資生計請定

鹽法考課裁省筆帖式禁通販硫黃硝以殄寇盜又言捐納授官非經久制請限以月或以年庶官方可澄所言之次第舉行又率同寮上言各處統兵大將軍王以下玩寇殃民遷延歲月或掠取婦女或攘奪財物請嚴飭禁絕

上是之命王大臣速議行山東大帥柯永綦縱兵鼓譟德宜疏劾即命逮訊其掌本兵也蜀地初定大軍糗糧皆運自陝西棧道顛踣秦民大困會星變德宜言今大軍趨黔望秦蜀之餉然徵秦則以道遠諉之蜀徵蜀則以歲饑諉之秦彼此觀望莫若併川陝總督為一人則痛癢相關可以隨地調發詔從之在部三年滇黔粵蜀以次削平時俘獲賊中婦女並著

籍旗下德宜言脅從者不與倡亂同罪且婦女何辜宜聽收贖於是所釋甚眾德宜口訥造次不能達其詞至於國家大事議論侃侃同列意見不同輒為剖晰是非反覆開導或自為一議

上善其所陳多報可性孝友年十七以父學朱巡按山東死事狀伏闕上書得贈卹在都聞弟喪兼程還經紀其後事撫育孤女踰已出停於宗族貧者輒周以粟與兄德宸弟德宏早

著文學一時有三宋之目德宸字御之後改名宓康熙丁巳舉順天鄉試德宏字疇三少負才

名出兩兄上與諸文士倡慎交社順治辛卯舉順天鄉試年甫三十四卒寒峻有文采者雖不相識汲引不倦其卒也

上聞軫悼諡文恪予祭葬長子駿業字聲求輕財好施善書畫
 由副榜累官兵部右侍郎次子大業字念功康熙乙丑進士
 選庶吉士授編修癸酉主江西鄉試得朱軾於落卷中拔寘
 第一士論翕服大兵征噶爾丹大業自請運糧千石以軍功
 陞右贊善累遷內閣學士卒徐乾學撰行狀參諸誌
 ○宋實穎字既庭少為諸生受知於徐汧順治辛卯舉順天鄉
 試與吳下諸名人倡慎交社聲譽籍甚後以江南奏銷案註
 誤康熙戊午復還舉人已未以博學宏詞名試罷歸久之授
 揚州興化教諭課士尚經術斥浮夸歷十六年告歸諸生祀
 之學宮旁實穎淹貫經史詩文典雅為詞壇名宿侍講繆彤

少從受經其學得於實穎者為多而宅心淳厚喜獎拔後進
 以故人益重之年八十五卒所著有老易軒文集三十卷春

秋拾遺十二卷

約其子景琪所撰行述

○許虬字竹隱順治戊戌進士授恩州府推官再遷永州知府
 其制義文彙家弦戶誦所著有周易注解等書同邑陸壽名
 字處實順治壬辰進士官寧國教授蔣埴字曠生順治辛丑
 進士官樂清知縣皆以文學著稱於時通志

○尤侗字同人一字展成號悔菴生而警敏博聞強記有才名
 歷試不利以貢謁選除永平府推官不畏強禦坐撻旗丁鐫
 級歸初侗所作詩文流傳禁中

世祖覽而稱善嘗問其門人修撰徐元文爾師年幾何以何事
 降調當補何官有意用之不果康熙十七年始以博學宏詞
 名試授檢討纂修明史分撰列傳三百餘篇藝文志五卷居
 三年長子珍登進士選庶吉士侗遂告歸家居鍵戶著書求
 詩文者無虛日侗亦應之不倦已卯

聖祖南巡至吳侗獻平朔頌萬壽詩

御書鶴栖堂三大字賜之癸未

駕復南巡卽家晉侍講明年卒年八十七所著西堂雜俎良齋
 雜記及文集餘集共百餘卷並行於世珍字慧珠一字謹庸
 康熙壬戌進士入翰林遷右贊善念親老乞養歸遂不復出

年七十四卒珍恬退好學尤喜為詩初宗唐人後出入蘇陸
 所著有滄湄詩鈔介峯劄記等共五十四卷

朱彝尊潘耒集
元和縣志合纂

○蔣德峻字公遜長洲人順治辛丑進士性至孝父病刲股療

之康熙乙卯歲大饑德峻傾家賑濟全活者數千人月給育

嬰堂緡錢為乳哺費施絮施棺埋齒掩骼每歲無算臨卒以

腴田百三十畝為義莊以贍族以百二十畝助於育嬰堂里

人感其義請之有司建祠春秋祀享兄維城字公表歲貢生

為人醇樸孝友兄早世撫育孤嫠不遺餘力兄子感之字叔

助以志弗忘與弟德峻置義田倡始育嬰堂皆拳拳摩畫凡

屬善事若壘篋之唱和性好學靡書不窺所著有易經纂注

讀春秋記疑通志

○劉龍光字蓼蕭父廷諤以宜黃丞遷益王長史遭亂挈家避兵白石嶺下依其友姚肅甫以居龍光未亂時以應試還里順治乙酉道梗不通日夜涕泣成疾戊子病少間徒行至建昌訪益府故舊無存者禱於張令公祠夢神告曰寄居石滌詢之士人鮮有知者忽遇一尼謂曰是在閩廣之交官路今方阻兵從僻徑往七日可達亟如其言所過崇山邃谷皆險絕無人跡最後至白石嶺斗絕萬仞捫嶺而下其地果名石滌竟得母管於空邨中相持大慟問父所在則亡踰年矣匍匐扶母及櫬而歸歸十年母卒喪葬盡禮龍光好讀書研精

小學旁通醫術及風角壬遁之說

朱彝尊韓茨所撰墓誌表合纂

○袁駿字重其早喪父傭書養母以貧甚母節不能旌乃徵海

內詩文曰霜哺篇多至數百軸凡士大夫過吳門者無不知

有袁孝子也弟孤貧置產以贍之母老不能行庭前花開時

駿每負母以看作負母看花圖題咏亦數十軸

舊府志

○顧廷錡字佩堅長洲諸生父繩詒知蜀之仁壽縣張獻忠破

成都不屈死廷錡子身入蜀陵谷變易無有知瘞骸處者呼

號路側閱四寒暑輾轉尋訪始得之往返萬四千餘里陟險

履危中間瀕死者數次抵里門鬚髮盡白

通志

○彭瓏字雲客行先兄子少喜讀先儒書方言矩步為文沈深

浩博與宋德宜兄弟訂慎交社不為馳騫聲名計順治己亥
 舉進士授廣東長寧知縣邑小在山谷中當前官廩削後瓏
 革火耗恤里排戢衙役息訟興文期月間士民翕然愛戴失
 郡守意誣劾去官既歸授徒講學題所居室曰志矩齋每月
 朔望集諸生會文文星閣下閱數年不廢出其門者多謹飭
 之士巡撫湯斌重其學行常屏騶從過訪焉年七十七卒門
 人私謚仁簡先生

子定求
撰事狀

○吳愉字敬生長洲人生而端慤言規行矩工舉子業授徒數
 十輩日披閱數百牘不少倦每當省會試索閱闈牘決其雋
 否不爽豪黍而愉獨屢蹶僅以歲貢授溧水訓導勤於課士

學使者為書經義齋額以贈之年八十卒門人私謚端仁先

生通志參
舊府志

○趙炳字明遠徐聞令一鶴孫少為諸生見稱於楊廷樞徐汧
 文筆超雋獨冠一時順治甲午舉於鄉至康熙丁未成進士
 年已老矣未仕卒同里章在茲字素文自明季至順治間前
 後所選制義名曰清音風行海內顧久困諸生丁酉始中副
 榜入太學方謁選病卒

○吳一蜚字翼生少孤兄愉教之讀書康熙丁未成進士授山
 西山陰知縣歲凶頻請緩征寬賦賑粟平糶又連決疑獄人
 稱為神內艱服闋補知洪雅縣時巡撫姚某方行開墾增稅

之令洪雅見徵纔七百九十四兩欲加至五千兩一蜚力爭
得減三千四百餘兩入爲工部主事擢御史糾儀失察降補
行人司副浮沈十餘年歷鴻臚少卿奉天府丞大理少卿光
祿卿太常卿擢戶部右侍郎調吏部轉左尋晉刑部尚書時
有重案株連者衆一蜚苦心消釋人多陰受其庇轉吏部在
職廉慎卒於位貧無以殮朝士賻之始克庀喪事

彭定求
撰墓

○韓茨字元少別字慕廬祖治父翻世有文行茨少失母從父
讀書研精經史貫穿百家不屑爲俗儒章句剽竊之學已而
孤貧益甚乃入京師康熙十一年由國子監生中順天鄉試
明年會試殿試皆第一授修撰初制科之文士子承明季餘

習頗傷繁縟後降而爲空疎浮滑自茨出而文風翕然一變
尋充日講官纂修孝經衍義主乙卯順天鄉試歷贊善侍講
侍講學士擢內閣學士茨在館閣凡應奉文字多出其手

聖祖眷注方深而是時南北分黨禍機將發茨中立無倚決計
勇退遂以疾請假歸家居八載點勘六經凡漢唐宋儒箋疏
章句靡不采獲而裁其中於史稱馬班陳壽文宗唐宋六家
詩尚唐音將著書以老三十三年復 召還朝

命充一統志總裁遷禮部右侍郎仍掌翰林院學士調吏部
命教習庶吉士三十九年陞禮部尚書掌院教習如故再疏乞
歸不許卒於官年六十八茨和平樂易以文章荷

上知未嘗自矜與人言訥然不出口及遇大事持論侃侃不阿
 當廷試日吳三桂逆節已萌莢對策力言三藩當撤無少瞻
 顧永定河臣請廣開捐納事例莢獨持不可祭酒阿理瑚請
 以故大學士達海從祀孔廟莢言達海造國書一藝爾於從
 祀之典未合御史鄭維孜請令監生各回原籍應試莢言如
 此則太學一空非京師首善之義及議海關不當設各關稅
 不當增私錢禁不當過嚴所建白甚多待故舊不以貴賤異
 視獎拔後進如不及初入監時受知於祭酒徐元文壬子鄉
 試主考徐乾學實拔其文莢敦師生之誼及兩人致政家居
 終日憂患平時故人門生避禍絕迹莢挺身周旋百端慰藉

卒亦無事也所著有懷堂集二十卷詩六卷子孝嗣字祖語

康熙己丑進士能世其家學

朱彝尊張大受碑誌并通志元和新志合纂通志時游莢門

者有吳縣杜定京字世求康熙己卯舉人文筆韶秀為莢所稱以無事實附見於此

○顧沂字伊在天朗子少勤學能文康熙癸丑進士選庶吉士
 授編修丙辰充會試同考官得人稱盛歷左中允左右諭德
 御試班馬異同辨

上嘉其立說平正俄遷左庶子侍講學士陞內閣學士進禮部
 右侍郎憂歸服闋

特命巡撫河南先是陝西告饑

詔運湖廣粟往賑而河南民獨當轉輸之役困甚

上念陸運艱難

命水運二十萬石入關汧甫下車馳赴浙川酌定運費又相度水勢備述荆子關至龍駒寨數百里溪灘險惡之狀上報時運五萬餘石遂

命停運河南諸郡去水回遠異時歲漕二十五萬石皆赴大名府小灘鎮採辦以地非所屬圍戶斡牙任意阻遏浮費不貲汧疏請改徵折色官爲督辦部議不允

上特從其請民始脫重累坐才力不及罷歸久之起補四譯館太常少卿歷遷宗人府丞致仕卒

王鴻緒撰墓誌

○許定升字升年順治甲午副榜授禹城知縣決斷明敏俗多

投繯赴井以中怨家定升覽牒立察其虛實受事三年止定

真命兩案凡詞中牽連婦女者盡勾去不問邑有豪奴高士偉李重榮等倚巨室勢橫里中定升以計掩捕立斃杖下一

時有菩薩變金剛之謠邑中丁籍前此虛增二千有奇核實悉與減除建樂采亭於泮池南以課士漯河石橋久圯修復

以利渡者治聲大著引疾歸里力行善事與同志積粟賑饑倡設育嬰堂鄉里稱之

通志參韓葵禹城行詩注

○彭定求字勤止號訪濂又曰南畝老人瓏子康熙丙辰會試殿試皆第一授修撰遷國子司業以身率教積弊盡革升侍講丁外內艱服闋起補未幾謝病歸定求少承家學澹於宦

情里居二十餘年泊若寒素子孫皆謹守家風長洲學宮及先賢祠宇圯壞竭力倡修以復舊觀表章王仁孝湯潛菴遺書編纂儒門法語蒙正錄敦行善事至老不怠年七十五卒卒後八年孫啟豐復以會試殿試皆第一授修撰祖孫濟美爲吳中盛事所著有南昫詩文彙

自撰生壙誌
參元和志

從弟寧求字

文洽少孤事母孝祖行先課之不輟於學康熙壬戌以第三人及第授編修恬澹無競工詩古文善晉唐小楷及宋元詩居母喪朝夕哭泣卽喪次羅列禮經編纂成帙服闋入都陞中允分纂殿閣諸書以勞卒官年僅五十

通志元和
志合纂

○陸在新字蔚文長洲人康熙丙午舉人除松江教授巡撫湯

斌察其廉勤特舉卓異是年江南七郡一州長吏無登薦書者獨在新一儒官而已擢廬陵知縣不以家口自隨誓不受民一錢每晨拜誦戒石四箴乃視事建二亭縣門榜曰問苦息事每置投牒者於中令諦思之多自悔求息者不息乃詳訊之曲直立判嘗裹糧詣鄉邨勗民孝悌力田藹如家人暇則與諸生講德論文士習益醇邑大治甫三年卒於官其子鬻書以殮民罷市巷哭祀吉州名宦祠

通志參彭定
求撰墓誌

○馮勗字方寅長洲人父六皆客閩中勗與祖及母居歲荒乏食勗爲邨塾師得升斗奉養與妻采苻以食後耿精忠亂閩父客死古田道路阻絕祖及母復相繼歿貧無以殮勗仰天

長號遂徒步入京師會徵博學宏詞最以薦名試體仁閣竟
得第授檢討卽請假歸入閩尋父櫬時亂甫平暴骸如莽父
櫬寄破寺中寺僧皆前死遺櫬縱橫未得其處最伏地慟哭
忽有老人告曰牆西有半寸釘者是諦視題識宛然遂扶以

歸

元和志
參通志

○文點字與也震孟孫幼能詩仲父乘殉難家盡破依墓田以
居肆力詩古文辭兼縱筆爲山水人物年四十游京師有欲
以國子博士薦者點謝不可遂引去嘗舍蓮涇慧慶寺賣書
畫自給巡撫湯斌屏車騎入寺問爲政之要點曰愛民先務
在去其害如虎邱采茶府縣吏絡繹徵辦積弊有年公能除

之卽善政矣斌乃伐其樹斌嘗謂曰聞先生止存田三畝何
以爲饘粥計對曰菜羹蔬食足以安人性情堅人操行少或
有餘將移所守負先世家誠矣斌稱善晚自號南雲山樵所
著文集四卷詩集十卷子赤字周易有石室山人集五卷讀
史記疑二十卷

朱彝尊文處
士墓誌銘

○文挾字賓日從簡孫柵子志尚高潔不交當世所居停雲舊
館傍老屋數楹庭植古松幽蘭挾讀書其中終歲不出客至
則使女僮謝之詩初學高岑後出入蘇陸所著有十二研齋

詩集三卷

顧霽
傳

○褚篆字蒼書長洲諸生遂於經學年旣老同學者半爲古人

而篆以前明遺老抱遺經待人叩問時比之伏生申公所居
 松吟堂不遠市廛條然若世外前人碑版羅列棊几暇則作
 書求者輒應康熙己卯

聖祖南巡召見吳中耆碩於行在

命篆書行草各一幅

上嘉獎賜海鶴風姿四大字時年九十三矣又一年而終元和縣志

○金居敬字穀似長洲人明太僕少卿士衡曾孫少負才名遂
 於經史八大家為文取法歸有光遊京師三十年屢躋場屋
 嘗舉博學鴻詞又見黜康熙乙丑成進士年已暮矣知靈邱
 縣人吏浹和未幾卒於官通志

○陳學洙字左原明湖廣提學僉事允升曾孫父衷惻自崑山
 徙長洲學洙少孤事母孝與弟學泗學生相友愛肆力於學
 有聲文社康熙甲子舉順天鄉試以子璋貴遂不仕為人寬
 厚而有特操妻劉氏早亡念同貧苦遂不再娶亦不畜婢妾
 戊辰會試主司徐乾學先期羅致諸名士有友約學洙往會
 行至中途忽自念曰吾生平未嘗有私請中不中命也半世
 守節老而失身可乎竟不往年八十二卒所著有響山文集
 西田詩草璋字臨湘康熙甲戌進士選庶吉士授編修充
 日講起居注官歷遷侍讀學士提督順天學政
 ○湯傳榘字子方康熙戊辰進士除清流知縣下車盡革里甲

陋規驛遞悉歸官辦夢溪芹溪炭山羅邨諸遠鄉歷年抗賦
官吏無如之何傅槩單騎親往諭以大義眾遂感服積逋一
清居六年惠政甚多以母老力請終養既歸從學者眾評選
制義重編明儒四書大全與前所纂四書合參春秋講義並
行於世以侍母疾積勞卒年八十五 彭定求
撰墓誌

○歸聖脈字薪傳生八月父文達卒母陳苦節撫育聖脈七歲
就外傳常泣師問故答以不見父為痛事母曲盡孝敬未弱
冠淹貫經籍為長洲學生從游者日眾積脩脯葬祖父母及
父念母節未揚陳情大吏輒痛哭失聲大吏感其誠母遂獲
旌晚歲聘修通志蘇州府志長吳二邑志並稱多聞雍正三

年以孝旌 通志元和
志合纂

○司馬蒞字磐莊長洲人受易於休寧程智傳極數辨物之學
年九十餘卒有語錄若干卷 通志

○俞場字犀月長洲人通經史上下千百年徵引考據原原本
本如燭照數計顧嗣立選元詩注韓愈温庭筠集商摧為多

通志

○張映葵字勤若號筠亭弱冠補諸生從彭瓏吳愉遊有文名
屢試不售以拔貢選天長教諭訓諸生以讀書敦行旬課月
試次第甲乙歷寒暑無間一時來學者甚眾嘗攝縣篆有廉
辦稱以老乞休不及歸卒將葬天長門生有徒步數百里來

會葬者

徐陶璋
撰傳

○徐昂發字大臨少負才名博學工詩兼精書翰爲時所稱康熙庚辰舉進士由庶吉士授編修提督江西學政所著有乙未亭詩集畏壘山人詩文集畏壘筆記

○何焯字岷瞻爲諸生卽負盛名所選制義行遠集爲學者所宗康熙乙丑拔貢入都屢試不售壬午冬以李光地奏薦特賜舉人明年會試下第再

賜進士選庶吉士入直 南書房尋

命侍讀藩邸兼修書 武英殿丙戌散館得

旨再教習三年旋丁外艱歸癸巳冬再以光地薦召赴

闕仍直 武英殿明年授編修乙未秋坐藩邸舊事逮問尋奉

免罪令仍直 武英殿壬寅夏以修書積勞卒年六十二

上下詔軫憫

特贈侍讀學士

賜金歸葬

命有司存恤其家焯穎悟強記博覽羣籍長於考訂評閱古人之書必尚論其世疏通證明其剖析疑難指摘譌謬區別妍媸皆獨具手眼不少假借插架萬餘卷悉手自點勘見人有善本必借歸參校尤精小學字畫源流無不洞悉書法出入晉唐正行皆入能品性狷介不肖詭隨見人文章好譏議少

許可以此每招人忌其教人為文最謹法度故游其門者多學有原本不苟合於時有集數卷繫獄時門人懼禍投諸火歿後人爭購其遺書雖殘縑斷簡莫不珍惜焉

○汪份字武曹明廣東布政起鳳曾孫年十四隨大父沂州知州希汲任希汲以官逋繫獄份侍側讀書晝夜不休獄吏奇之康熙癸未成進士選庶吉士授編修六十年出督雲南學政未行而卒份未第時與同里何焯評選有明以來諸家制義名重一時增訂四書大全為學者所宗既官翰林留心典故於天文河渠兵制鹽政錢幣咸有撰述惜皆未行弟鈞字右衡康熙壬午舉人句容教諭善屬文嘗箋注陸宣公集士

鉞字文升工詩古文尤善書法行楷秀逸獨步一時康熙丁丑會試第一由庶吉士授編修入直南書房官至左中允

所著述甚多從弟倓字安公弱冠文名籍甚康熙辛未進士

官編修早卒

通志元和縣志合纂

○吳廷楨字山掄長洲人夙慧工文康熙丙子舉順天鄉試以

寄籍被黜己卯

聖祖南巡廷楨獻迎鑾詩得復還舉人奉

召入南薰殿癸未成進士選庶吉士授編修歷諭德纂佩文

韻府月令輯要兼教習進士以勞卒官

通志

○張大受字日容其先嘉定人祖徙長洲父慶孫順治甲午舉

人廬於匠門溪上聚徒說書學者稱履素先生大受弱冠卽以能文受知韓菼康熙庚午舉於鄉是科江南得人最盛而大受闡墨尤傳誦天下數上春官不第名日益起四方造門講藝者無虛日大受亦勤於接引喜獎借以故人彌親附焉已丑始成進士選庶吉士授檢討庚子主四川鄉試比還道奉

命視學貴州黔中荒陋大受教諸生以讀書之法設書院義學爲置田資膏火拔士之尤者給之風氣爲之一變

世宗聞其有聲

命再任未幾疾作卒於官大受詩文超雋人尤愛其駢體有匠

門書屋文集三十卷弟士琦字天申康熙甲子副榜知永新縣有善政坐事去官民爲罷市亦能詩所著有蘭岫秋山稷存等草又諸生陳震字彥瑜大受女婿也從何焯游能詩工書法性孝友篤於交道臨川李紱撰墓表極稱之

○劉石齡字介于孝子龍光子七歲卽能誦三都兩京諸賦及長篤嗜古學以能詩名尤工五言嘗北遊恒岳南窺衡湘踰大庾登羅浮探奇歷險發於詩歌晚年詩益清遠奇麗韓菼陳元龍欲薦之朝力辭以布衣終所著有瓠容草堂詩粵遊小草共六卷通志元和志合纂同里鄭弒字季雅其詩幽雋清遠爲前輩尤侗朱彝尊等所稱所著有括囊居士詩藁

○徐葆光字亮直康熙四十四年

聖祖南巡以諸生獻詩賦被取至京舉戊子順天鄉試壬辰會試不售

欽賜一體殿試以第三人及第授編修五十七年奉

旨充冊封琉球副使賜正一品麟蟒服葆光長身玉立儀度秀偉詩文雅贍兼工書法喜交當世文人名滿一時其使琉球撰中山傳信錄六卷考据精博為向來未有歷二十餘年不遷以病告歸卒所著有二友齋文集十卷詩集二十卷海舶集三卷同邑蔣深字樹存工詩能書畫與葆光相善由國子監生以薦纂修書畫譜佩文韻府等書授餘慶知縣終朔州

知州

○顧嗣立字俠君考功郎子康熙己卯舉順天鄉試以修書勞議敘內閣中書壬辰

欽賜進士選庶吉士逾年散館當外補未就而歸嗣立博學洽

聞尤工於詩所居秀野堂疏池疊山環植竹木常集四方名

士觴咏其中輕財好義家以日貧而風流文雅照映一時所

選元人詩初二三集注昌黎飛卿二家詩詩林韶濩皆盛行

於世自著者有秀野草堂金焦山陰大小雅堂噉荔梧竹軒

羅浮桂林嵩岱等集

約楊繩武所撰墓誌銘

○蔣杲字子遵明副使燦四世孫康熙癸巳進士歷戶部郎中

廉敏勤慎為諸曹最出知廉州府寬厚持大體而剖決明銳
 庭無滯訟上官皆重其才守輒檄攝鄰郡事所蒞俱有聲以
 聖誤罷用薦監修海寧海神廟工垂竣而卒杲少從何焯游
 文學博瞻兼長吏事未竟其用人多惜之通志

○陳景雲字少章吳江縣學生長洲人少從何焯游博通經史
 淹貫羣籍長於考訂凡譌謬處能剖析毫芒焯於及門中推
 為畏友性孤介游京師試不售年甫四十以母老遂不復出
 藩邸及大吏以禮敦聘俱不赴窮老杜門手不釋卷年七十
 八卒所著讀書紀聞綱目辨誤兩漢訂誤三國志校誤韓文
 校誤柳文校誤文選校正通鑑胡注正誤紀元考略及文集

共若干卷

○徐陶璋字端揆明都御史源之後康熙乙未殿試第一授修
 撰陶璋居心和厚學問醇實時論以公輔期之而恬於榮利
 乞假歸杜門掃軌研精經學晝夜不倦乾隆元年補前職纂
 修

實錄以病卒於京兄模戊戌進士亦以文行稱元和志
 酌改

○謝志發字雲翼父文昌通經學有撰著志發紹述之四十後
 專工詩坐一角山樓晨夕苦吟每一詩成常三五易稿所著
 有一角山樓詩藁同時有張錫祚字永夫亦能詩好苦吟諸
 生徐夔字龍友從何焯游詩宗義山有凌雪軒詩六卷

○程文煥字豫章父大儒字遠之本徽州諸生隨父中書舍人
 遇德在南都乙酉五月遇德死難大儒與母載父柩轉側兵
 戈中不得達故里遂徙蘇州母歿哀毀失明文煥六歲為父
 舐目肯歷五年障翳忽開父疾徒步延醫新安六晝夜走七
 百里父歿廬墓至三十年乾隆五年父子並旌表又同邑邱
 存禮朱之勤李漢孫鼎鍾徐國措孫豐穀俱雍正乾隆間以
 孝行旌

○黃農字古處元和人省曾六世孫居母喪盡哀恐傷父心每
 夜卧蒙被泣日以疋弱父授經里中離家數里每晨往省風
 雨無間父憐其疾止之農乃伺門外館僮出問起居乃去日
 者謂父年止五十二適先一年病甚農患其驗也元旦遍禱
 神廟願減算以益父年父果愈而農病卒乾隆五年旌表又
 同邑盛建極唐肇虞施澆汪秉璋楊成懋張文魁吳中英顧
 維灝管增俱雍正乾隆間以孝行旌

張冲字叔元仕陳為左中郎將其心也乃其忠義與後齊故
 義略異於左氏七十餘事喪服義一志孝經義一會海語義

遇德在南都乙酉五月遇德死難大儒與母載父棺側其
戈中不得達故里遂徙蘇州母歿哀毀失明文煥六歲為
敵日青歷五年障翳忽開父疾徒步延醫新安六晝夜
百里父歿廬墓至三十年乾隆五年父子並旌表又同邑
存禮朱之勤李漢孫鼎鍾徐國捐孫豐穀俱雍正乾隆間
蘇職管學身兼五節對開以孝行著

同邑盛敷蘇惠筆真誠鄧玉秉軒蘇丸懋張文撰吳中英顯
輒諷願越莫以益父半父果愈而費盡卒諱對正平表夫
皆歸父平正十二歲喪父一平歲其費泐其劍也示且感蘇

蘇州府志卷第五十八

人物十二 崑山縣 新分新 陽縣人物附後

漢

卞崇婁縣人漢桓帝時太守薛固為法吏所枉下廷尉崇與同
郡烏程錢讓詣闕稱寃廷尉囚崇等以兵圍守苦毒持之崇
讓恬然自若枉聲彌厲天子聞而奇之乃赦固罪 盧志

隋

張冲字叔元仕陳為左中郎將非其好也乃覃思經典撰春秋
義略異於左氏七十餘事喪服義三卷孝經義三卷論語義
十卷前漢音義十二卷官至漢王侍讀 隋書 按冲傳但云 吳郡人今以其子後

允唐書著為崑山人故入崑山

唐

張後允字嗣宗崑山人祖僧紹梁零陵太守父冲陳國子博士入隋為漢王諒并州博士後允甫冠以學行禪其家高祖鎮太原引為客以經授秦王義寧初為齊王文學封新野縣公武德中擢員外散騎侍郎賜宅一區太宗即位進燕王諮議從王入朝召見初帝在太原嘗問隋運將終得天下者何姓荅云公家德業天下繫心若順天而動自河以北指撝可定然後長驅關右帝業可成至是自陳所言乃賜燕月池帝令羣臣以春秋酬難帝曰朕昔受大誼於君今尚記之遷燕王

府司馬出為睦州刺史乞骸骨帝見其強力問欲何官因陳謝不敢帝曰朕從卿受經卿從朕求官何所疑後允頓首願得國子祭酒授之永徽中致仕加金紫光祿大夫朝朔望卒年八十三贈禮部尚書諡曰康陪葬昭陵孫齊邱朔方節度使東都留守諡貞獻

唐書

史德義崑山人咸亨初隱居武邱山以琴書自適或騎牛帶瓢出入郭市號為逸人高宗聞其名徵赴洛陽尋稱疾歸公卿以下皆賦詩餞別德義亦以詩留贈其文甚美天授初江南道宣勞使周興表薦之則天徵赴都詔曰蘇州隱士史德義志尚虛元業履貞確謙冲彰於里閭孝友表於閨庭固辭徵

辟長往嚴陵之瀨多謝簪裾高蹈愚公之谷博聞強識說禮
敦詩繕性邱園甘心猷猷承天革命建極開階寤寐星雲物
色林壑順禎期而捐薜帶應休運而解荷裳粵自海隅來遊
魏闕行藏之理斯得去就之節無違風捺可嘉啓沃攸佇特
宜優獎委以諫曹可朝散大夫後周興伏誅德義坐為所薦
免官以朝散大夫放歸邱壑自此聲譽稍減舊唐書
張承休後允孫張說撰其墓誌云後允之子小師小師生承休
承休希言篤行去華崇實非法不由非禮不動精於理物敏
於從政歷朝議大夫上柱國恒州刺史說之文曰閭門一分
暉我諸侯蓋居閭門云吳郡志

陶峴彭澤之子孫也開元中家崑山富有田業擇家人不欺而
了事者悉付之身則泛遊江湖往往數歲不歸見其子孫成
人初不辨其名字峴文學可以經濟自謂踈脫不謀宦游生
通八音撰樂錄八章以定其得失自製三舟備極堅巧一自
載一置賓一貯飲饌客有前進士孟彥深進士孟雲卿布衣
焦遂各置僕妾共載峴有女樂一部奏清商曲逢奇遇典則
窮其境物興盡而行名聞朝廷值天下無事經過郡邑無不
招延峴拒之曰某麋鹿聞人非王公上客亦有未招而詣者
吳越之士號為水仙其澤謠
張鑑字季權一字公度後允五世孫朔方節度使齊邱子鑑以

蔭授右衛兵曹參軍郭子儀表爲元帥府判官遷累殿中侍御史乾元初華原令盧樅以公事譙責邑人齊令誅令誅宦人也銜之構樅罪鑑按驗當免官有司承風以死論鑑不直之乃白其母曰今理樅樅必免死而鑑坐貶默則負官貶則爲太夫人憂敢問所安母曰兒無累於道吾所安也遂執正其罪樅得流鑑貶撫州司戶參軍徙晉陵令江西觀察使張鎬表爲判官遷屯田右司二員外郎居母喪以孝聞大歷初出爲濠州刺史政條清簡延經術士講教生徒比去州升明經者四十餘人李靈曜反於汴鑑團閱鄉兵嚴守禦有詔褒美擢侍御史緣淮鎮守使以最遷壽州刺史歷江西河中觀察

使不閱旬改汴滑節度使以病固辭詔留私第建中二年拜中書侍郎同中書門下平章事郭子儀壻太僕卿趙縱爲奴告下御史劾治而奴留內侍省鑑奏言貞觀時著令奴告主者斬頃悖慢成風漸不可長今縱事非叛逆而奴留禁中獨下縱獄情所不厭帝納之杖奴死盧杞忌鑑剛直欲去之時朱泚以盧龍卒戍鳳翔帝欲擇人以代杞卽謬曰鳳翔將校班秩素高非宰相信臣不可鎮撫臣宜行帝不許乃顧鑑曰文武兼資內外望重無易卿者其爲朕撫盧龍士乃以爲鳳翔節度使鑑知爲杞陰中然辭窮因再拜受詔帝幸奉天鑑罄家貲將獻行在而營將李楚琳者嘗事朱泚得其心司馬

齊暎等謀曰楚琳必爲亂乃遣屯隴州楚琳知之夜率其黨作亂鎰縋城走不及遠與二子爲候騎所執楚琳殺之贈太

子太傅

唐書

宋

龔宗元字會之祖慎儀邵武人南唐給事中爲盧絳所害父識字默甫始徙吳登端拱三年進士第大中祥符中翰林學士李宗諤薦擢監察御史遷殿中侍御史兼左巡使宋襲唐制御史不專言職至是始擇學術醇正操履端方可綱紀朝廷者俾入臺言事蓋自識始逾年以目疾求退除檢校司封郎中平江軍節度副使宗元幼穎悟絕人讀書虎邱寺爲鄉貢

首選天聖五年擢第主杭州仁和簿以父疾乞便侍養調吳縣改建安尉以薦擢大理評事知句容縣發摘姦伏如神明楊紘持使節號爲深酷過縣境獨不入或問其故紘曰龔君治民所至有聲吾往往徒爲擾耳歷通判衢越二州官至都官員外郎後徙崑山黃姑謝事家居作中隱堂時屯田員外郎程適太子中允陳之奇皆以耆德致政日爲文酒之樂吳人謂之三老宗元初官仁和時范仲淹爲帥謂之曰君器業清修他日必爲合器慎勿因人以進泊登朝未嘗游公卿門皆仲淹之教也子程字信民剛正自守不怵於禍福力排異端家不設佛老像祭祀不焚紙錢幼讀書南峯山攻苦食淡遂

博極羣書鄉人號有脚書尉熙寧六年第進士終桐廬令程子況字濬之崇寧五年進士入館以學術文章與蘇過俱知名時號龔蘇用宗元起隱故事自號起隱子終祠部員外郎有起隱集三十卷

故從縣志併為一傳入焉

中吳紀聞吳郡志盧志合纂按宗元雖徙崑山實吳縣人也以其子孫皆居崑山

孫載字積中曾祖漢英仕錢氏為崑山鎮防邊使遂為縣人載登治平二年進士第為河中府戶曹更三守皆立威嚴者載獨與爭曲直不肯少下終以此見知中書檢正官察訪關中辟為官屬青苗法行乾祐令不以予民察訪怒檄載按之載還言邑小民貧其徒歲以黍麥博易為生未知稱貸公家為

利令無罪用薦知德清縣聽斷精明不專任刑罰訟有累年不決者得一言皆感悟相捨去熙寧八年吳越饑獨縣中熟載勸大家倍糶得十五萬斛明年春米價騰踊載使平直以糶全活甚眾移考城縣地多盜載明賞格嚴保伍一日巡尉來告盜集境上將以上元掠近郭至期載張燈設宴不禁夜如故事盜叵測遂遁去訖受代無復盜者神宗以載姓名付中書除廣東常平觸暑行部以宣德意元祐初遷廣東轉運判官紹聖初知海沂二州再知婺臺二州為治務持大體時號循吏以嘗薦元祐黨人授提舉洞霄宮大觀中以朝議大夫致仕一日遍謁先壟及嘗往來者未幾疾革問日早晏盥

手焚香而逝年七十五載天資樂易長於吏治薦士至四百餘人後多知名少喜讀易著易釋解五卷文集五十卷

中吳紀聞

盧志合纂

馬友直字伯忠其先本司馬氏有名球者仕吳越以御史中丞為崑山鎮遏使因家焉子孫止稱馬氏聚族於邑之全吳鄉六直里以孝義著稱兄弟六人皆力穡獨友直以儒業自奮入太學元符二年薦春官與李鷹遊鷹知友直賢以兄之子妻之宣和水災全吳之田與江通兄弟皆狼狽營妻子友直獨迎其親徙邑之進賢里僦屋以居躬養菽水母子晏如建

炎二年以累舉得官主武康簿監南嶽廟卒

吳郡志

孫察朝議大夫載之從子父臨大理評事察以朝散郎奉使金

國守節不屈金人裹以油絮焚之罵聲不絕口而死

盧志

王葆字彥光崑山人祖申以學行推於鄉父億樂道好善贈右

中散大夫葆幼有志識弱冠通諸經宣和六年擢進士第崑

山自孫載登科後六十年葆始繼之紹興改元上疏陳十弊

深中時病末言儲嗣尤切直謂仁宗時中外無事海宇晏然

而范鎮等為國遠計汲汲在此況今國步多艱人心易動強

虜未靖羣盜陸梁天下之勢危若綴旒而甲觀之崇未聞流

慶中外惴恐此為甚急臣願陛下為宗社無疆之計廣求宗

室中仁明孝友時論所歸者歷試諸事以係人心執政讀而

奇之遂自麗水簿遷知宜興縣時兩淮用兵浙亦盜起邑當
孔道僚吏懼乏軍興相次駭竄葆白父母曰食君祿無愛死
理弟可終養母以葆爲念也明日取丞簿印兼佩之諸將妄
求者面折力拒乃稍稍自戢歷監登聞院宗正寺丞遷司封
郎官兼國子司業秦檜嘗語葆曰檜欲告老如何葆曰此事
不當問葆檜曰他人不敢言以公有直氣故問耳葆曰果欲
告老不問親讐擇可任國家事者使居相位誠天下生民之
福檜默然除監察御史兼崇政殿說書出知廣德軍移守漢
州綏善鋤姦境內大治擢瀘南安撫使知瀘州引用名士劾
去貪殘吏數輩踰年遷池州孝宗召爲大理少卿以疾辭改

浙東提點刑獄權要不樂請祠歸宜興老焉官至左朝請大
夫葆學行俱高潛心古道著春秋集傳十五卷春秋備論二
卷教誘後生如親子弟沙隨程迥嘗從受經出其門者後多
成立尤能鑒裁人物李衡布衣流落一見以女弟歸之周必
大未第時亦妻以女范成大早孤廢業葆喻勉切至留之席
下程課甚嚴後皆爲名臣

中吳紀聞吳郡
志盧志合纂

龔明之字熙仲宗元曾孫幼逮事祖母李李自言少嘗大病夢
神告曰與汝七十七及期果病且革明之夜禱於天乞減已
五齡以益李壽灼香於頂者七聞腦中爆裂聲不爲動詰旦
李病良愈又五年乃卒宣和三年明之以諸生貢京師迎父

母往已而母與弟相繼亡去鄉數千里貧無以歸葬或使以
旅殯僧舍否則火之以其燼歸明之不從取其家所有自一
錢之直皆折賣之不足又乞貸於人竟護二喪以歸先墓在
西山大木數萬族人利其直悉斬而分之明之不能制獨泣
且罵每伐一木仆明之輒號慟響震林谷紹興二十年鄉貢
年已六十或勸少匿其數爲異日計笑曰吾生平未嘗妄語
且不敢自欺卒書其實晚以特恩廷試授高州文學年逾八
十法不應出官吳士在朝者列奏其行義敕監潭州南嶽廟
淳熙五年乞致仕鄉人林振等又請之朝授宣教郎致仕仍
賜緋衣銀魚時李衡以忠諫去國年幾八十德望絕人獨以

兄事明之時人高之目爲二老明之生平不摘人短不作貌
言每自謂平日受用唯一誠字嘗附益山谷語以省喫儉用

號五休居士撰中吳紀聞三卷子昱字立道有學行安貧樂

義鄉人師之

吳郡志盧
志合纂

顏度字魯子充公五十三世孫自唐魯公真卿兄子顥爲常熟
令其後遂爲吳人度居崑山登紹興進士第歷海門簿臨海
令有去思乾道五年知長興縣遇事慈恕人不忍欺一日某
王自寧國入朝舟次縣界皆以婦人挽轡王怪問之皆云知
縣顏佛子愛惜民力縱男子耕種卒難召集恐累顏公故婦
女悉當其役泊入對孝宗問卿治郡得人乎卽以度對召拜

蘇州府志 卷五十一 九
監察御史遷太常少卿權工部侍郎知湖州江東京西運副
以中大夫秘閣修撰提舉沖祐觀封長洲縣開國男卒年七
十五度與朱熹友善孝宗謂度每出一言不動如山因以如

山自號云

盧志

馬先覺字少伊友直孫以文章名登紹興三十年進士初主海
門簿調常州教授既歸時宰辟沿海制司幹官以先覺自重
難挽徑以名聞授兵部架閣朝奉郎素號高逸不事請謁出
為浙西常平幹官以承議郎主管台州崇道觀號得閑居士
所著詩文曰慙筆

盧志

邊惇德字公辯祖珉始家崑山惇德幼孤至孝貧不廢禮才思

敏給以能詩名為范成大所知常與唱和五中鄉舉就奏名
年逾六十卽致仕郡縣列上其行義特改通直郎換脂韋子
五十卷子瀛字道卿與弟濟並有學行濟子應升字子用穎
悟力學篤守操履淳祐初特科進士

盧志

應升子實與凌萬頃

同修崑山志

崑山舊志

范之柔字叔剛純祐曾孫乾道八年進士嘉定初拜監察御史
歷右正言左司諫起居中書二舍人刑禮二部尚書太子詹
事封崑山縣開國子之柔奉親事君一以文正為法知止畏
盈每有山林之志累章乞骸骨上諭宰臣曰為朕勉留將大
用之以禮部尚書致仕卒贈特進開府端明殿學士謚清憲

魚少府志 卷五十一
弟良遂初名之傳字次卿卜居崑山之車塘放情山水不慕榮利長於歌詩兄雖貴視之泊如也自號墨莊居士有詩集十卷盧志

吳仁傑字斗南一字南英其先從洛陽來居崑山父信修武郎仁傑博洽經史有俊才講學朱子之門登淳熙五年進士第歷羅田令國子錄自號蝨隱以詩文名一時所著古易十二卷兩漢刊誤補遺十卷禘祫綿蕞書三卷周易圖說樂舞新書廟制罪言郊祀贅說鹽石論集古易尚書洪範辨圖陶淵

明杜子美年譜皆行於世

盧志

衛涇字清叔其先齊人唐末避亂遷華亭祖闔始占籍崑山父

季敏通判鎮江府涇少有異操從永嘉李去智學李卒爲制服執喪淳熙十一年擢進士第一授承事郎添差鎮東軍簽判涇以對策嘗陳添差之弊三上表乞待次上特從其請故事狀元初任垂滿必通謝於宰執始頒召命時王淮秉政涇不通謝雖被召三月不得引見十四年除秘書省正字輪對言陛下卽位之初銳意事功不次用將相痛憤以圖恢復乃二十六年之久無一事足以少稱陛下意者而陛下大有爲之志亦少弛矣一祖八宗之業太上皇付託之重子孫億萬年之基緒陛下一身任之豈可僅取苟安無事而已耶庸常之才持祿保身而風俗日壞士氣日卑民生日困天下之患

將有出於意慮之外者事機易失時不再來願陛下堅自強之志振紀綱以張國勢作氣節以厲媮惰則靜可以強根本動可以復土疆而事功立矣光宗初立政尙修謹涇以著作佐郎賜對言今日風俗頹靡百度縱弛人材削弱國勢未張汲汲有爲尙恐不濟若猶因循其弊將不可爲又言中國之與北虜其勢決不能兩立名爲和好實則仇敵名爲息兵實則觀釁復讐之志直須時耳今以偏方之勢與虜持久自紹興來五十年無大戰自隆興來三十年無小鬪虜酋新立血氣方剛間隙之生遠不過五六年願陛下奮發英斷規恢遠圖臥薪嘗膽不忘北鄉聖志先定然後與二三重臣講求大

計委任而責成之內治外備則大讐可復中興可期又言自陛下踐阼臺諫給舍多不得其職今日士氣向衰風采銷落陛下所當長養振作而反陰銷潛沮之將使羣臣上懼陛下之威命下虞羣小之中傷苟且成風諂諛充位脫有大奸巨惡誰爲陛下言者紹熙元年遷著作郎兼司封郎官二年正月震雷雨電大雪繼作涇應詔上封事言雷陽也雪陰也陽氣方升而陰制之此雪所以降也以象類而求則君欺於臣夫陵於妻夷狄謀中國小人害君子皆陰勝陽之證有一於此皆能致亂陛下不可不預防也時佞倖漸肆李后悍妬故涇以爲言出爲淮東浙東二路提舉慶元初召爲尙右郎官

上殿論壽皇孝養禮曠以爲太上之於陛下親父子也天性之愛慈孝之心宜無毫髮疑問雖太上疾勢未平語言舉動若未容於進見者然陛下孝心純篤豈以吾親之不可見而遂已乎願陛下兢業於中以親之未順爲憂以期於見親爲念積此誠意庶太上之懽心可得而喜付託之得人矣三年以起居舍人假工部尙書使金國還言虜有危亡之兆吾無自治之策使吾治具畢張備禦無缺敵雖強不足畏倘偷安歲月僅了目前一弱虜滅一強敵生未足以爲喜也初涇之往寧宗諭使覘國金爲蒙古所攻我有乘釁之意涇深懼其輕動故還奏如此除直煥章閣知慶元府沿海制置使以言

者論罷是時權奸用事涇不爲勢怵斥去十年不調於里中闕西園取范文正公之言各其堂曰後樂開禧元年得旨入朝明年除中書舍人兼直學士院應詔論北伐非計不聽三年自吏部尙書拜御史中丞請誅韓侂胄論罷陳自强拜參知政事封崑山縣開國伯嘉定初兼太子賓客始侂胄之誅涇功居多旣又患史彌遠有專恣之漸欲去之彌遠知涇謀諷御史劾罷之出知潭州八年知隆興府上以涇三世同居有堂曰友順御書二大字太子亦書後樂堂榜賜之九年知揚州十七年進資政殿學士金紫光祿大夫致仕進封吳郡開國公寶慶二年卒理宗輟視朝一日特贈太師追封秦國

公諡文節涇歷仕三朝出入內外四十餘年憂國忘家始終
一節謀深慮遠不邀近功其進退之際與時升降嘗語人曰
官職自有定分名誼千古不磨故其在朝孤立自守不畏強
禦以賢才爲立國之基薦進搜舉汲汲如不及如李燾輔廣
倪思陳韡皆其人也 在潭時與朱熹有交承之好侂冑指熹
爲僞學斥之侂冑死涇奏召熹還朝而熹已卒復移文新安
取熹四書諸經傳註刊刻以傳又請爲張栻賜諡其表章正
學之力多矣別號後樂居士所著文章五十卷曰後樂集盧志
趙琳字君善丞相忠簡公鼎曾孫父監字孺文范之柔以女兒
妻之遂家崑山終知興國軍琳嘉泰中進士爲常州教授嘗

作亭表鄒浩墓歷宗正寺丞都官郎官理宗欲用爲諫官有
沮之者出知吉州不赴旬祠歸後復以朝散大夫直寶章閣
致仕題其居曰頓菴自號如舟清修寡欲室無勝妾惟藏書

萬卷卒年七十八

盧志

楊應龍字汝濟系出關西曾祖敏求仕徽宗朝官至朝散大夫
徙居崑山之外岡應龍才兼文武爲戚里吳郡王壻寧宗朝
授武功大夫浙西兵馬鈐轄暮年丐祠主管建寧府冲祐觀
所著五十萬言名曰進授册嘉言讜論發於忠忱手抄六經
百家之說爲性齋知見錄三十卷又有性齋詩王充黃由皆
以將帥薦未幾卒子光輔終承節郎孫滋生有神異歿於邊

功理宗贈護國惠忠侯廟食里中盧志

王圭字君玉崑山人范成大外孫也父邁字德遠安吉人依妻

家以居登乾道進士第終通判太平州圭嘉定十年進士主

松陽簿以才幹陞為合講行經界為天下式淳祐八年以監

行在諸司糧料院出知常州屢蒙陞賞十年又以職事修舉

轉朝奉大夫再任在官五年入為司封郎官終朝奉大夫其

居官廉家無餘資自號靜觀子有文集十卷盧志

衛湜字正叔涇弟好古博學除太府寺丞將作少監皆不赴嘗

集禮記諸家傳註為一百六十卷名曰禮記集說寶慶二年

上之終朝散大夫直寶謨閣知袁州學者稱櫟齋先生盧志

陳振字震亨古靈先生襄之後父遵贅御史李衡女因家崑山

遵死振幼貧無以葬得地圓明村卜者云不利長子振曰使

親藏得寧或不宜於振二弟尚可主祭遂葬焉後振為紹熙

進士弟拱亦登端平科振以祿不逮養刻木為親像一飯必

祭平居急義樂善好汲引後進有過失必規正之為文簡健

高雅無宋季陋習有止安集五十卷好楷書有歐虞氣骨官

至太府丞知永瑞二州以朝議大夫致仕子昌世亦以文名

兼優吏事仕太府丞知信瑞二州有善政秩朝散大夫中歲

絕欲自奉菲薄居官所至有遺愛盧志按紹熙端平相距

連養弟拱與兄相隔不當如此之義紹熙疑紹定之訛

劉必成字與謀其先福安人來居崑山之湓浦必成少遊國學
 嘉熙初七士同叩閭極言時事必成實為之倡是年七士俱
 預計偕而必成為武舉解元明年遂魁天下淳祐九年復中
 鎖廳蓋以文武全才自負也嘗兩入閣輪對慷慨言邊事上
 深褒美次日宣諭宰臣曰必成所言極好後皆行之歷知潯
 州卒官湖南安撫副使自號愛閒翁有三分詩稿盧志
 周津崑山人治詞賦端平嘉熙中郡府兩舉待補進士性介直
 好施與父天驥有疾津刲股以療又有曹椿年母病革刲股
 療之事聞借補承信郎節制司準使立孝感坊又咸淳八年
 有榮孝子亦以刲股救母立旌孝坊其後有張孝子皆同縣

市人也

盧志

凌萬頃字叔度號松臞景定間進士任直學博學多聞邑令項
 公澤重之請與邊實同修玉峯志行於世

周世昌崑山志

元

衛培字寧深文節公涇之曾孫性端確博通經史前代典故問
 無不知延祐七年郡府以培充貢試龍虎榜賦文不起草人
 謂有揚馬才時雖被黜識者推之知州王安貞聘訓導州學
 號月山先生所著文十卷曰過耳集又有李季高號蓉月性
 謹慎博洽羣書與衛培俱以隱德老於林下所著有蓉月集

周世昌

崑山志

盧觀字彥達其先龍興武寧人五世祖徙平江再徙崑山祖鑑
 字明叔工詞賦父有常字元吉以隱約終觀少立志於學受
 業湯彌昌錢重鼎之門客遊江淮間名卿鉅人有欲舉觀者
 力辭之隱居教授接人弗以貴賤異或加以非禮怡然不與
 較遇人患難必為盡心經畫事親溫清滄瀨不以貧故少缺
 暮年得羸疾猶手不釋卷母卒以不能行喪禮痛慕悲號病
 日增劇卒年六十五門人私謚曰夷孝先生所著有易集圖
 詩集說草翠軒文稿樂府聲調集總若干卷申屠衡銘
 文質字學古崑山人學行卓然詞章奇放為楊維禎所稱與盧
 觀趙天祐衛培盛德瑞范天與六人為邑中耆碩有司給廩

膳焉江南通志

顧權字用衡其先自蘭谿徙居崑山父達卿與胡雲峯友善期
 有子當使為士及得權篤意教之權能力學博通羣典尤究
 心於易為文章刻意有古作者矩度一字不當不苟出遭時
 多艱隱居不仕為鄉校師卒無子知州僕僉斯為買地葬於
 馬鞍山北門人私謚靖夷先生姑蘇志
 秦玉字德卿其先鹽城人徙崇明再遷崑山父庚從方蛟峰學
 隱居不仕玉早孤即能立志苦學既長博通諸經尤邃於詩
 不求仕進天性孝友事母與兄無違禮事無大小悉稟而行
 母有病湯藥必親嘗累旬不解帶及卒哀毀泣血終喪不沐

浴不鹽醋隣居失火家人各奔散玉獨憑棺號呼火遽滅所
著有詩經纂例學庸探說宋三朝類要齋居雜錄若干卷門
人私諡孝友先生

縣志

金至善字伯明居澱湖之陽修德樂施老而益力於學教導鄉

里多所成就自號菊逸老人有菊逸集

周世昌志

余日強字伯莊其先古田人父與可來居崑山日強篤志於學

淹貫經史奉母以孝聞號淵然叟有文集行於世

周世昌志

姚文奐字子章聰敏好學過目成誦博涉經史縉紳先生推重
之辟授浙東帥闡掾雖公事旁午不廢吟咏家有書聲齋野

航亭自號婁東生

周世昌志

顧德輝字仲瑛崑山人家世素封輕財結客豪宕自喜年三十

始折節讀書購古書名畫彝鼎秘翫築別業於茜涇西曰玉

山佳處晨夕與客置酒賦詩其中四方文學士河東張翥會

稽楊維禎天台柯九思永嘉李孝光方外士張雨于彥成琦

元璞輩咸主其家園池亭榭之盛圖史之富暨餼館聲伎並

冠絕一時而德輝才情妙麗與諸名士亦略相當嘗舉茂才

授會稽教諭辟行省屬官皆不就張士誠據吳欲強以官去

隱於嘉興之合溪尋以子元臣為元水軍副都萬戶封德輝

武畧將軍飛騎尉錢塘縣男母喪歸綽溪士誠再辟之遂斷

髮廬墓自號金粟道人及吳平父子並徙濠梁洪武二年卒

明史

瞿信字實夫崑山人自幼嗜學平居整暇無卒聲辟貌未嘗談人過惡食必男女異席衣冠非就寢不去兄智宦遊四方信養二親備至家雖貧恒忻忻焉兄卒孤兒女數人皆為婚姻教養至正間台寇作信負母避青龍海上築室曰閒野南臺御史李烈舉信孝廉不應卒

舊縣志

明

盧熊字公武觀之子元季為吳縣教諭江浙分中書省辟為掾張士誠敗以故官迫遣赴京母卒歸卜築玉山之南絕意仕進以薦起為工部照磨尋以善書擢中書舍人遷兗州知州

時兵革甫定民生疲瘵麗於辟者咸從輕典武臣將兵道充欲致伎樂拒却之太師李善長營魯王府又浚河自充至任城役夫幾二十萬熊竭心調度事集而人不擾會簿錄刑人家屬事坐累死時年五十先是熊嘗疏言州印篆譌充字乃類袞上以為無禮銜之至是竟得罪熊生平不治生產為政豈弟不求赫赫名少與弟熙皆從楊維禎游博學工文詞嘗纂修蘇州志窮搜極訪遂為一郡良史尤精篆籀所著有說文字原章句鹿城隱書蓬蠋幽憂石門清溪等集在充又有兗州志孔顏氏世系譜子彭祖字長嬰洪武末任武康丞丞樂初薦授禮部主事坐事謫阜城為民尋徵詣行在冠帶聽

用以疾卒彭祖幼傳家學不事藻麗惟求適用為政亦有父風彭祖孫瑛字克修宣德五年進士官刑部主事博學善書

尤工畫竹

姑蘇志參王志
堅崑山人物傳

盧熙字公暨熊弟洪武四年以薦授睢州同知時中原甫定歲復游饑熙一意休息惟恐傷之明年行守事適御史奉命搜舊軍睢民濫入伍者千人檄熙拘送熙召民自實得嘗隸尺籍者數人畀之御史怒繫曹吏必盡得不則以格詔論同僚懼議發民應之熙曰吾民牧也民散吾誰與處乃自詣御史曰州已無籍軍今民且散走獨有同知在請以充役御史怒斥去堅立不動竟不能奪後卒於官貧不能喪官為具殮喪

歸吏民挽哭者塞道大雨無一人少却者熙為人雅飭信厚博涉經史亦善筆札子充穎字次農文學得於家傳而制行尤高以能書薦留誥司將官之會熊死歸葬誓不復仕充穎子儒字為已博學能文自負甚高亦以薦官中書舍人有重

齋稿 姑蘇志
參明史

殷奎字孝章一字孝伯其先自華亭徙崑山生數歲與盧熊同受小學長從楊維禎受春秋應江浙鄉舉不利屢聘不起有司延訓導州學洪武四年以薦赴京師試高等例授州縣職因母老請近地便養忤旨調咸陽教諭在任四年念母不置鬱鬱而死年四十六門人私謚文懿先生奎文章精審有法

尤深性理勤於纂述所著有道學統緒圖家祭儀崑山志成
陽志關中名勝集陝西圖經婁曲叢稿奎二弟壁字孝連箕
字孝揚俱明經篤於孝友奎卒壁間關數千里迎其柩歸箕
舉秀才試廣西僉事終太平府推官

姑蘇志參
列朝詩集

秦約字文仲玉子至正間官崇德州教授洪武初應召試慎獨
箴拜禮部侍郎以母老辭歸再徵詣京師上疏乞復書院書
堂義學守令之選另立一科四十涖職百日舉代三年造冊
與志書同進以備國史採擇上以約年老授溧陽教諭御史
練則成待制吳沈薦約宿學遺老合在館閣不報在溧陽八
年請老歸卒約文章務求理勝而詩尤工張翥貢師秦尤所

推重所著曰樵海集

姑蘇志

趙彥可崑山人洪武初為臨清知縣公勤寡欲好士愛民妻受
民賂箠而遣之事聞陞知鞏昌府

明史

郭翼字義仲崑山人少從衛培學工詩尤精於易不屑為舉子
業專志學古家貧不肯干謁自號東郭生生平以豪傑自負
嘗獻策張氏勸其反元季貪殘舊政乘時進取若晏安逸樂
精銳坐銷四方豪傑並起吳其必爭之地雖欲閉境自守勢
將日蹙其可保乎士誠怒其言切直欲殺之其妻固止之乃
得逸去洪武初徵授學官度不能有所自見怏怏而卒

列朝詩集

袁華字子英崑山人少穎悟不羣讀書一二過輒記誦不忘工

詩尤長樂府與顧阿瑛友善其家所藏書畫悉經品題楊維楨尤重其人以才子目之洪武初為郡學訓導後以其子為吏被罪坐累卒於京師所著有耕學稿

姑蘇志

項駕字叔馭博涉經史精於春秋尤工詩文洪武初應秀才舉

擢禮部郎中調官廣東政治廉平有聲於時

崑山舊志

楊性字秉中博聞強記能詩早從楊維楨游楊以小鐵呼之嘗構一亭扁曰草元日鼓琴觴詠其中洪武初由秀才舉知祁

州

縣志

傅鄰字次泉父翼嫺吏事鄰去吏為儒穎悟過人早從盧觀游得聞性命之學觀愛其勤以女妻之洪武四年進士為會稽

丞

縣志

顧禮字元禮崑山人洪武五年以材幹擢刑部員外郎八年超遷本部侍郎九年以家屬極刑循例除名放還十一年再徵為戶部侍郎遷尚書十三年改刑部卒於官

姑蘇志

陳則字文度家貧力學僦屋授徒以師範聞於鄉里洪武七年

由秀才舉任應天府治中俄進戶部侍郎以閱實戶口調大

同府同知陞知本府則少與高楊張徐輩相倡和為北郭十

友之一嘗賦紫菊詩得警句時呼陳紫菊

張大復崑山人物傳列朝詩集合纂

易恒字久成其先廬陵人祖斗元宋咸淳進士為常熟尉攝警

崑山因家焉素有風格人稱蓮峯先生恒能澡勵循其家範

洪武中應薦至京以老辭歸所居大泗讓闢地數百弓引泉
蒔花竹名曰泗園日嘯詠其中家貧不給視聲利泊如也所

著有陶情集 崑山舊志

余熾字茂本崑山人有雋才精春秋之學洪武十年以明經授
承勅郎十五年進通政司參議十七年拜吏部尚書奏准來
朝官明年正旦各造事蹟文冊仍畫土地人民圖以十二月
二十五日至京惟雲南遠邊特免又立吏員撥用法學錄金
文徵畏祭酒宋訥嚴與同官田子貞等誣訥罪熾移文令
致仕訥陛辭上驚問其故熾與文徵等皆坐誅熾家故鐻工
既貴猶稱余待詔兒為人長者未嘗譖毀人每進見微有所

寬釋居家尤恭謹望里門卽下故所往來必自名若未嘗貴
者乃爲文徵所誤至此 朱國楨明開國臣傳

龔簪字叔言其先汴人宋有侍御史猗者扈高宗南渡始家崑
之真義里簪其七世孫也洪武十一年以歲薦授岳州學正
所得俸錢惟贍二兄齋厨索然諸生有以通鑑贄者覽卒還
之曰已拜貺矣數年岳州陞爲府詣關候調與守偕入見上
問守一切民情物力守震懼莫能對上顧問簪簪條對甚悉
上喜拜兵科給事中後以言事忤旨謫戍五開衛不一年卒

王志堅張大復傳合纂

王履字安道篤志問學博通羣籍教授鄉里爲後進楷則能詩

文工繪事洪武十七年游華山作圖四十幅記四篇詩一百五十首窮覽太華之勝為世所稱又精醫藥從金華朱彥修游盡得其傳著傷寒三百九十七法辨標題原病式一卷百病鈞元二十卷醫韻統一百卷醫家宗之子伯承能世其業無子盡以其術傳壻沈仲實云

明史列朝詩集張大復傳合纂

王遜字謙伯崑山人洪武十八年進士為監察御史降上高縣丞戴罪殺賊尋以功復官遜明敏健刻憲度肅然雖家居不少縱或謂曰君嚴自治耶遜曰吾讀書求道已不自治安能治人每以直言貶切同列後得罪服毒死子復字從道宣德五年進士授行人司副遷南京御史耿直類其父人稱小御

史坐事戍遼陽病卒復子曰敏石門訓導

始蘇志 參縣志

孟忠字廷臣崑山人洪武初以賢良薦授武寧知縣革除後文皇帝思高帝舊臣欲召用堅辭不赴賜勅嘉之以壽終於家

列朝詩集

王英字俊伯宋朝請大夫葆之裔洪武中以貢授監察御史上察其可用命署都御史事大書敦厚王英四字揭之殿柱尋授刑部主事進郎中出為寧海知縣永樂初召入復為郎中陞陝西按察使丁母憂服除改山西秩滿仍命治陝已而得代行至泗州卒淑人閻氏義男保隨行簡其橐不滿一金弗克還柩乃火而歸骨焉英立朝謹畏每謂妻子曰我以身許

蘇州府志 卷五十八 人物十二
國勿以我死生爲念時有建白輒毀其藁及長臬司以簡靜
爲治不事苛察居鄉尤率易嘗微服入郡城時禁庶民服靴
門者縛英英笑曰我官人也取舟中冠帶示之得釋亦不怒
又嘗行道旁有負齮者並道行擠英入水怡然攝衣起他日
復遇於道其人棄所負却走英召而慰遣之邑令設盛饌邀
英辭之而赴隣翁飯或問之曰隣翁貧治具不若令之易也
孫廷綱字成憲以貢爲教諭清謹有祖風姑蘇志王志
堅傳合纂
朱吉字季寧德潤子初喪母值元季兵亂奉父周旋患難張士
誠據吳游士多苟從之惟吉不少降志自吳城徙家崑山避
之洪武中以薦授戶科給事中時糧長稽違勘合皆坐死籍

沒吉疏言勘合雖違而稅糧已足乞減死又乞寬胡藍黨禁
以安反側皆從之後以善書改中書舍人尋改侍書出爲湖
廣按察司僉事坐事繫獄永樂初赦復爲中書舍人年八十
一卒吉之學以聖賢爲師謹言慎行處已待人表裏一致所
著曰三畏齋稿子定安字士隆尤工古篆得周伯琦之傳嘗
積其書草瘞之名篆塚中允吳均有篆塚記次泰安字士栗
永樂三年鄉薦授內黃教諭其教學者以熟傳註敦行誼爲
先歷安仁安吉陽信三學致仕歸僦屋數椽授徒餬口布袍
蔬食處之怡然年九十三卒次永安字士常亦善筆札皆清

修篤學不墜其家聲云

姑蘇志參
王志堅傳

范從文字復之之柔六世孫父原良明初為潮州府推官客死
 藁葬從文方弱冠匍匐至潮求攢不得日夜號泣俄大雨頽
 其封湧骨出果有識焉乃以歸葬洪武中以國子生擢監察
 御史改戶部主事奏免株連盜倉罪百餘人俄為同官所陷
 謫役莊浪頃復追戍金齒徙廣南永樂初以薦起為金華訓
 導歷東安金鄉三學致仕歸年八十七卒所著小學章詒宗
 牒補遺復齋集若干卷

王志堅云從文傳郡邑志互異
 考墓誌唯方志甚確今從之

呂昭字克明崑山人嗜學敦行洪武辛未以薦授徐州訓導上
 疏言民事稱旨改浦城縣丞縣多荒地昭以俸市穀給無產
 者俾藝其地而不責其償自以粟少許種堂外有九穗者人

以為德政之徵永樂甲申陞沁州知州父老持金為贈皆謝
 却之至杭不能僱舟抵家始得償比赴沁道經徐州天寒尚
 未挾纊故所授經弟子共為買一毛裘僱一驢以往在沁六
 年清操愈勵子且舉進士貽書戒之曰進士固美官然不能
 廉終非吾子也死亦不欲汝祀其廉介如此且字寅伯永樂
 丙戌甫釋褐即奉命伐木湖湘又督開平糧芻皆稱職陞河
 南僉事坐事繫長蘆十年免歸宣德初起為建昌府推官歷
 兩考政聲益振正統乙未以母老乞歸環堵蕭然未嘗以貧
 窶為意及卒無以為殮故人魏尙書驥買棺葬之

姑蘇志
 參縣志

王明善字復初號樵玉性剛介隱居授徒教律嚴謹時兵火之

餘人鮮知學明善實爲之倡百里內外聞其風負笈而來從者幾千人一經訓厲咸有成立其弟子朱璉字廷儀自少力學尤精於易春秋築室學宮之側生徒雲集室隘不能容至設帷庭中以處之設教三十餘年弟子稱爲素菴先生永樂中又有舉人黃鐸有學行與進士張經俱不樂仕進教授里中多所成就云

縣志

史謹字公敏少從倪瓚高啟游博學好古工詩畫甫冠從成溟陽洪武末翰林學士王景薦其才授應天府推官左遷湘陰丞尋罷僑居金陵白號吳門野樵年七十餘卒有獨醉亭詩

集

張大復傳

陸安字修平邑三畝民父德甫好結客以事連坐論死時國法方嚴卽當棄市安時年二十初婚卽別其婦抵京大書代父典刑四字於布袍伏闕哀請許之臨刑之日從容就刃觀者千人無不泣下德甫伏屍哭提骨東歸妻鍾氏抱骨哭盡哀亦自經死

張大復傳
參舊縣志

范廷珍字惟中父彥良洪武中以里中子不法事連坐廷珍率其弟廷珪詣官請代父死情詞懇切百折不却官爲感動得末減兄弟俱戍河間廷珍故善醫遂以醫濟河間人無論貴賤貧富悉爲診視病者輒起晚年學益該博喜吟咏字法歐陽年九十餘猶日作數十紙葉文莊嘗記其事

縣志

龔詡字大章父答洪武中為給事中謫戍五開詡甫三歲從母

王依外家未幾答死戍所勾伍之牒旁午賴宗人保持之張大

復傳云賴宗人清惠公保持之按清惠公者龔理也理於正統元年始登第是時恐尚未生或是理之父賢然不可考矣

年十四白母詣闕候補得遼陽調守金川門燕兵逼金川谷

王棟開門降守者奔潰詡奮戈不中走郊外回顧宮中火起

乃大慟亡命變姓名王大章匿江陰常熟間然時竊竊聞追

討聲夜走任陽投馬陳二家二家故多藏書修朱家郭解之

義乃匿之大困中即困中讀書几榻盡穿多所纂述間夜渡

婁省母禁稍解賣藥授徒更二十餘年人固知之無告者宣

德中詔寬軍伍始得歸時周文襄忱撫吳聞其賢具禮訪問

便宜為條上二十事次第行之母卒詡已班白悲號毀瘠久

之忱欲處以師儒之任兩薦為松江太倉學官不就曰詡老

兵仕無害恐負往日城門一慟耳因泣下忱歎息而去晚隱

虞浦無子獨與一老婢居破廬中有田三十畝種豆植麻歌

咏自得成化三年年八十八整衣端坐口誦大學首章而逝

有白氣起屋上門人私謚安節先生萬歷初詔錄遜國諸臣

撫臣張佳引疏請建祠學宮之西王張二傳參列朝詩集縣志

范能字仲能少從毘陵謝應芳游精醫喜吟尤工書法永樂初

被徵賦詩上郡守願養母全其天年守憐而許之日以著述

為事年八十餘卒所著有淞南集同里孫俊字叔英家澱湖

之陽從范能游工詩不慕聲利晚年築草堂於磧溪之南日
與里人陳宗信等觴詠其間所著有南溪草堂集

王志堅傳
參舊縣志

劉璉字廷璉崑山人永樂十年進士任御史陞山東參政洪熙
初參贊宣府軍務宣德十年兼督邊儲陞戶部右侍郎尋轉
左仍兼巡撫累降敕褒獎璉公勤廉謹人不敢干以私在邊
數年終始如一日後都御史李秉督邊儲悉依璉法景泰二
年致仕卒於通州不能歸遂卽其地葬焉天順三年葉盛參
政山西奏璉在邊年久保障有功乞恩褒卹於是遣官諭祭

遷葬崑山

姑蘇
志

虞祥字仲禎永樂辛卯舉人授金華訓導遷上虞教諭擢禮科

給事中陞掌科事慶壽寺僧覺貴構中官創造毘盧閣僭擬
非度祥劾奏毀之寘僧於法陞通政司參議正統八年進戶

部右侍郎尋改兵部巡視畿輔所至剷除貪酷存問疾苦民

賴以安卒於位賜祭葬祭酒李時勉銘其墓子震字啓東性

剛介父卒無遺貲僦屋以養母母卒居喪盡禮讀書工詩雖

老未嘗一日離書案所著有常春稿江湖小稿檇菴暇筆旅

寓雜鈔數十卷震子臣字元凱成化十四年進士授兵部車

駕主事遷職方郎中復歷武庫車駕在郎署垂二十年清慎

自持遇事執正不受私謁遷四川參議尋致仕歸橐蕭然惟

以文酒自娛所著有丙辰奏草述古錄竹西亭稿

王張二傳
參獻徵錄

舊縣志

夏景字仲昭崑山人先冒外姓朱氏登第後復今姓景以經術
 進而書法特妙由庶吉士改中書舍人文廟嘗試其書第一
 特命書諸宮殿榜遂賜第宅免朝參眷顧極隆初景字作昶
 因召見上日日豈可從旁宜加永上遂為更定故今字皆從
 之後遷考功主事正統中出知瑞州府入為太常少卿進正
 卿致仕景為政不事名譽而人安其平易居家孝友風流文
 雅有高人之致詩詞清麗尤工畫竹石擅名天下至於朝鮮
 日本諸國皆懸金購之兄昺字孟賜亦善書初為永寧縣丞
 謫戍隆慶景既被遇文皇間問其書所自以昺對即日命馳

驛入見試書稱旨授中書舍人姑蘇志

王永和字以正陳循墓碑姑蘇志俱作字用節少至孝父病伏枕十八年侍湯

藥無少懈永樂中舉於鄉歷嚴州饒州訓導以蹇義薦為兵
 科給事中嘗劾都督王或鎮薊州縱寇及錦衣馬順不法事
 持節册韓世子妃紉中官蹇傲罪以勁直聞正統六年進都
 給事中八年擢工部右侍郎十四年從征至土木死之贈工
 部尚書官其子汝賢大理評事後謚襄敏明史次子汝敬天順
 己卯舉人汝霖正統戊辰進士歷官河南右布政使奉公卹

民有父風縣志

盛頤字養蒙其先大梁人高祖德輝始居崑山之高墟頤三歲

而孤事母以孝聞及長講求濂洛之學工詩能書永樂十七年詔求遺賢守臣以頤應入見稱旨超拜江西左布政使至則清理逋賦決遣滯囚凡有施設必簡大僚之廉勤者畀之而已總其成剛柔緩急悉協機宜先是江西鄉試寄學宮多奸弊庚子當大比頤度城南做地翔建貢院嚴飭關防是科得人稱盛乙巳入覲陪祀南郊特加寵賚衆頗忌之因言者落職宣德初詣闕辨理授南京工部員外郎歷八年三使藩府皆有廉能譽後以疾還南京卒

張大復傳參縣志

張經字伯緒博學嗜古永樂甲辰登進士時進士多遣歸就學經既歸不樂仕宦授徒為生張和兄弟皆出其門嘗謂諸生

曰人生切不可有嗜好若輩他日居官一有嗜好則胥吏僕

隸惟是之窺矣年三十三卒子希賢亦以學行稱

王志堅傳

張準崑山人永樂中知建安縣有惠利民懷思不忘

見明史員秉彝傳縣

志不載

陳皞字孟東少孤貧習法律算數之學永樂初芮狎知縣事擇知學者為吏皞衣青衣立堂下年特少因辟為從事諭令就學乃以間從林鍾說春秋偶桓說詩遂通五經之義兼能詩善書通政趙居任治水吳淞一見器之後應幕府書記從豐城伯平交趾以年勞授會稽知縣讞減寃囚杖殺逃軍之害民者先是會稽民獷悍不就徭役皞懲其尤黠者數十人申

明法令俗遂革改知淳安縣致仕歸常不自給性强記歷代史皆略上口詩宗少陵有安止齋稿若干卷從子助字賢佐少從鄭文康沈愚輩講學里中號十鐸助能為長短詩歌精書法曉古今篆隸又能寫喬柯竹石仿漢晉印章正統初以薦授桐廬縣丞歷知新淦金谿二縣有能聲自免歸卒

張大復傳

參王志堅傳

章賢字士希永樂十八年舉人授大理評事歷官漢陽知府性廉謹居官二十餘年終始一操既免不能歸留寓南京僅給饘粥病死衣不覆肘鄰人賣所遺敝器殮之歸葬馬鞍山北

張大復傳

吳凱字相虞父公式早亡遺腹生凱能力學養母里胥嘗召之役詣縣自陳有母不能遠離竊有志於學縣令芮翀異其言立遣就學後充貢京師中順天鄉試宣德中授刑部主事改行在雲南司再改禮部主客司以母老乞歸遂不復仕凱精敏有治劇才平生以禮自律言行不苟風儀嚴峻人望而畏之家居四十年非公事不至公府葉盛尤重之嘗曰鄉里作官前輩當法吳丈後輩當法孫蘊章

姑蘇志

及卒鄉人私謚貞

孝先生

縣志

蔣明字奎章少孤力學舉永樂二十一年鄉試授慈利教諭方嚴有體宣德初奏請元儒吳澄從祀文廟學者爭師尊之明

廉謹自持不屑阿附會臺使行縣傲慢無禮色辱明明遂棄
官歸考訂今昔作崑山志注文公小學

張大復傳

衛靖字以嘉崑山人洪熙初以能書薦授中書舍人直文淵閣
陞禮部主事預修宣廟實錄靖謹厚能詩所著有公餘清興

集

姑蘇志

甘霖字用汝博學工文詞宣德乙卯貢入太學授延平府同知
轉衢州在任廉平不苛衢大旱徒步虔禱雨大澍考滿遂致
仕縱情山水文酒間卒年八十五霖性孝友初父伯清疾亟
以孽子密屬霖善撫之霖游成均密家居偶出嬉戲遂失所
在霖聞悲愴不自勝踪跡萬端歷五年將謁選入京祀其先

曰某不遇密不敢就職俄得之京民安士傑家爲奴力請贖

歸友愛備至

張大復傳

屈昉字季恒才情倜儻讀書不事章句嘗從軍崇明寫懷寄遠
詩篇傳播爲楊士奇所知楊問崑令羅永年季恒安在羅不
能荅楊曰君尙不識屈某耶羅有慚色心識之還縣適詔舉
經明行修之士遂以昉薦授南海縣丞十年不調乞致仕有

寓菴集

張大復傳

官歸考訂今昔作昆山人志注文公小學

吳大復傳

靖字以嘉崑山人洪熙初以能書薦授中書舍人直文淵閣

萬壽集

吳大復傳

預修宣廟實錄靖謹厚能詩所著有公餘詩集

鑒則行鈔之士後以湖蕪對南無繼亦十平不備之廷廿百

蘇谷勳以諫辭不獲國某遷錄印冊以次辭及嚴澤商品舉

請議湖漕法蘇士法海賦賦賦是命繼衣手李助送空縣不

風湖守李師木謝謝謝書不事章何嘗資軍崇與與謝書茲

詞文愛謝至

吳大復傳

撫之霖游成均客家居偶出婦賦送夫所

日某不感發不雅游湖游海之京其安士謝家為成代謝

